

այր մըն է երեք լուսամուտներով և կրկին սիւներով, կը թուի թէ քրիստոնեաները յետոյ զեղեցկացուցին զայն եկեղեցիի վերածելով, որովհետեւ կ'ըսուի թէ Ս. Յակոբ Տեառնեղբայրը երբ լսեց մեր Տիրոջ ըմբռնումը և չարչարանքները՝ հոս արգելափակուեցաւ «երգմամբ ոչ ուտել և ոչ ըմպել մինչև տեսցէ զփրկիչն աշխարհի ակներև յարուցեալ ի մեռելոց»: Յիսուս յետ յարութեան երևցաւ հոս իր եղբոր Ս. Յակոբայ ըստ մարմնոյ, և անոր առջև դրաւ սեղան եւ հաց՝ ըսելով ով իմ եղբայրս կե՛ր այս հացը, վասնզի որդին մարդոյ մեռելներէն յարութիւն առաւ, ու մըխիթարեց զայն: Կերպով մը Ս. Պողոս ալ կը վկայէ ըսելով «ապա երևեցաւ Յակոբայ» (Ս. Կորնթ. ԺԵ. 7): Այս այլը այժմ անխնամ մնացած է (Հան. էջ 290*):

Բ. դարուն՝ Տաճարին հարաւ-արևելքը՝ ի պատիւ Ս. Յակոբի կանգնուած էր սիւն մը (Հեգեսիպոս, Մեկնութիւնք):

15. Այն սեղը ուր Ս. Կոյսը աղօթեց Ս. Ասեփանոսի համար. — Առաքելոց այրէն դէպի հիւսիս՝ հողին մէջ

(*) Շարքը քաղաքի (Բարիզի մօտ) մատենադարանին մէջ գտնուած եւ յունարէնէ լատիներէնի թարգմանուած Ժ. դարու ձեռագրի մը համաձայն, զոր Բոլլանդեաններ հրատարակած են 1889ին, Գ. դարուն Ս. Տեառնեղբոր գրեգմանին վրայ վկայարան մը կը շինուի եւ նորագիտ նշխարներէն մաս մը հոն կը փոխադրուի, որ բոլորովին տարբեր է Ս. Յակոբայ վերոյիշեալ այրէն:

Յովսափաշի Ս. Տեառնեղբայր վկայարանը յետոյ եկեղեցիի վերածուելով՝ Անասաս վրդ.ի վանորէից ցուցակին մէջ կը կոչուի «**Բարուվանք**, որ Տեառնեղբորն է, զոր քնկալաւ վէմն»: Ինչ ինչ ձեռագիրներու մէջ ալ կը գտնուի Ս. Տեառնեղբոր եկեղեցիին յիշատակութիւնը Յովսափաշի մէջ: Մանրամասնութեանց համար տեսնել ձ. վ. Ե. (էջ 1-6):